

UGOVOR

usluge održavanja kotlovnice Centra

Ugovorne strane:

Centar za slušnu i govornu rehabilitaciju Sarajevo, ulica Asima Ferhatovića br. 2

(u daljem tekstu: **Korisnik usluga**), koga zastupa **direktor doc.dr.sc. Naim Salkić**

i

Elkomont d.o.o. za gasne i uljne gorionike, instalacije i unutrašnju i vanjsku trgovinu Sarajevo, ulica Soukbnunar br. 48 (u daljem tekstu: **Izvršilac usluga**), koga zastupa direktor društva **Azra Barakovac dipl. occ.**

ČLAN 1.

PREDMET UGOVORA je: servisno, interventno i tekuće održavanje gorionika, vanezonski servis, podešavanje i ispitivanje gorioničkog postrojenja, izdavanje zapisnika o izvršenim mjerenjima za ložišne instalacije sa izdavanjem protokola emisije sagorijevanja i podešenosti sigurnosnih zaštita.

ČLAN 2.

Obavezni godišnji servis gorionika (izvanezonski servis) podrazumijeva slijedeće:

- vizuelna kontrola opreme,
- demontažu, čišćenje i podmazivanje dijelova plamenika, ventilatora, predgrijača, kablova za paljenje, elektroda, plamene cijevi, stabilizatora plamena, nosača dizni, zaptivki na VN transformatoru, programatora, šamota i izolacije kotlovskih zaptivki, elemenata zaštite kotla, regulacionih elemenata sa montažom elemenata koji se demontiraju,
- servisiranje instalacije dovoda elemenata gasne rampe: filtera, regulatora tlaka, regulacionih ventila i elektromagnetnih kupluga i elemenata uljne dionice: filtera za ulje, uljne rampe, magnetnih ventila i dizni,
- demontaža, čišćenje i podmazivanje elemenata gasne rampe/uljne dionice, montaža istih i ispitivanje na zaptivenost,
- podešavanje gorionika i regulacija na gas/ulje,
- provjera, čišćenje i podmazivanje gasne opreme sa elementima regulacije i zaštite,
- podešavanje kapaciteta gorionika na ulje/gas, regulacija sagorijevanja i mjerenje radnih stanja ulje/gas, probni rad gorionika, provjera plamena i izdavanje servisnog lista o izvršenom vizuelnom pregledu i servisiranju gorionika,
- pregled, kontrola, mjerenje i podešavanje parametara radnih stanja postrojenja (tlak, uljne pumpe, sigurnosni termostat/presostat, radni termostati, protok gasa, tlačni prekidači, sigurnosna vremena, presostati ulja itd.) sa izdavanjem protokola gasne ložišne instalacije o izvršenim kontrolama i mjerenjima,
- kontrola i ispitivanje pripadajućih elektroinstalacija: vizuelni pregled, funkcionalnost radnih faza, ispravnost ožičenja i priključaka, elektrokomandni ormar sa opremom koja je u njega ugrađena.

ČLAN 3.

CIJENA USLUGA I NAČIN PLAĆANJA

Ukupna cijena pružanja usluga iz člana 1. ovog ugovora na godišnjem nivou iznosi **666,90 KM sa PDV-om**, prema Specifikaciji koja je data u prilogu i koja je sastavni dio ovog ugovora.

Ugovorne strane su saglasne da se plaćanje vrši po izvršenoj usluzi u roku od 15 (petnaest) dana od dostave fakture sa obostrano potpisanim zapisnikom o izvršenoj usluzi na protokolu Korisnika.

ČLAN 4.

TEKUĆE, SERVISNO I INTERVENTNO ODRŽAVANJE

Obavezni godišnji servis izvršiće se u izvansezonskim mjesecima (od maja do septembra) i to odmah po potpisu ugovora.

Za Interventno održavanje Izvršilac usluga se obavezuje da će po prijemu poziva izaći na objekat, izvršiti uvid i preduzeti radnje iz domena ovog ugovora u roku od 5 (pet) sati po prijemu poziva u bilo koje vrijeme i shodno hitnosti poziva za intervenciju.

Za vršenje cjelokupnog nadzora nad izvođenjem ugovorenih usluga Korisnik ovlašćuje svog predstavnika: *Ćosović Medžida*.

ČLAN 5.

Korisnik usluga je dužan obezbijediti Izvršiocu:

- a) neometan ulazak servisera i servisnog vozila
- b) normalne uslove za rad servisera i postrojenja
- c) prisustvo rukovaoca postrojenja

ČLAN 6.

Dolazak servisera i prevoz (transportni troškovi) posebno se ne plaćaju i isti su uračunati u cijenu utvrđenu u članu 3. ovog ugovora.

ČLAN 7.

Korisnik usluga je dužan da pravovremeno obavještava Izvršioca usluga o svim greškama u radu opreme ili o simptomima mogućih poremećaja u toku eksploatacije.

ČLAN 8.

Korisnik se obavezuje da neće pozvati na servisne intervencije druge servise ili neovlaštena lica, niti sam otklanjati kvarove, jer u tom slučaju Izvršilac ne može preuzimati odgovornost za moguće štete i kvarove, niti garantovati ispravnost rada postrojenja.

ČLAN 9.

Korisnik usluga, kao korisnik opreme, dužan je istu povjeriti na rukovanje za to osposobljenim licima, pridržavati se tehničkih normi pri radu, kao i uputa koje je dobio od proizvođača opreme ili Izvršioca usluga. U slučaju nepridržavanja gornje odredbe, moguće posljedice snosi sam Korisnik.

ČLAN 10.

Izvršilac usluga nema pravo da samovoljno proširi obim usluga (zamjena dijelova) bez saglasnosti Korisnika usluga.

Svaki slučaj samovoljnog i neopravdanog proširenja usluga ili zamjene dijelova Korisnik nije dužan platiti.

ČLAN 11.

Za usluge koji su predmet ovog ugovora garantni rok je jedna godina računajući od dana izvršene i primljene radnje od strane ovlaštenog predstavnika Korisnika zapisnikom u pismenoj formi.

U toku trajanja garantnog roka Izvršilac je dužan da na poziv korisnika otkloni sve eventualne nedostatke u vezi sa izvršenim uslugama koje su predmet ovog ugovora.

ČLAN 12.

Jednako kao što Korisnik snosi troškove popravke kvara do kojeg je došlo usljed nestručnog ili neodgovornog rukovanja opremom, tako i Izvršilac usluga snosi troškove kvara do kojeg je došlo greškom u toku rada servisera Izvršioca.

ČLAN 13.

Ovaj ugovor stupa na snagu datumom potpisivanja ovlaštenih lica od strane obje ugovorne strane i važi do 31.12.2016. godine.

ČLAN 14.

Sve eventualne sporove pri realizaciji Ugovora, ugovorne strane će prvenstveno pokušati riješiti sporazumno.

U slučaju da se nastali spor ne može riješiti sporazumno, za spor je nadležan Sud u Sarajevu.

ČLAN 15.

Ugovor je sačinjen u 4 (četiri) istovjetna primjerka, od kojih za svaku ugovornu stranu po 2 (dva).

Izvršilac:

Elkomont d.o.o. Sarajevo
Direktor


Azra Barakovac

Broj: 014/17
Sarajevo, 29.03.2017.



Korisnik:

Centar za slušnu i govornu
rehabilitaciju Sarajevo
Direktor


Doc. dr. sc. Naim Salkić

Broj: 01-319/2017
Sarajevo, 21.03.2017. godine

